



皇甫少玄集卷七

少玄山人吳郡皇甫淳撰

詠懷

雜詩

凝霞晦朱陽繁雲結玄陰有滄興崇朝淫溢遂
成霖諒微箕卑期傾潤自相尋冥霧縈綠池悲
風激丹岑涌雷交簷曲浮茗冒水淅惟彼倦遊
客感此物序侵慕類興長懷含思寄微吟

辛巳七月五日上海道中陳可與言予
髮上有白髮一莖颯然有感

指點看蓬髮頻經日月流一莖那有此萬慮恐
長休水國清霜道楓江明水樓蕭蕭對潘賦霜
海送高秋

羈懷

撫跡滯囂塗凝志在幽谷臨津惑淵抱懷山謝
雲躅驚節感人情登臺漫余目芊綿樹雜映差
池鳥相逐故鄉邈以夏離思斷還續采采堦前
蕙何由盈一掬

生朝述懷

修名悵未立悲辰嗟屢道眺榭感徂川芳華逝

不畱淒露洒臯蘭颯颯天氣秋析析葉去榦翻
翻鳥赴儔密雨垂簷駛迴風繞隙流臨此傷年
髮曾是戀恩猷且當投紱去桂樹山之幽

代古

朗水升東隅流輝照苦顏愁思撫清夜房櫳淒
以閑玉墀花稍積簷鳥雙飛還疑薰空錦衾游
塵集綺紘馳波豈盡意浮雲難結言所恨千里
遙所望一水間

歲暮述懷十首

周年物色慘淒淒羈念殷憶桂蒼山曲送鴈碧

江濱臺迥飛殘雪池寒落暮雲微我無卮酒愁
思方氤氳

其二

高軒臨皓月故人隔清罇披衣重延佇撫景益
思存天長夕飈急庭荒寒鳥喧安得一携手心
期共復論

其三

離居苦遙夜客思渺難裁清琴屢罷緒素杵尚
餘哀猿鳴山月靜鶴舞澗陰開側佇一丘想胡
爲雙鬢催

其四

崇情系淵丘遠跡愧朝闕自子結華綬於今垂
素髮風樹歛寒臯霜鐘流哀月乘此菽蕭悲彌
傷芝蕙歎

其五

徂陰日云邁落景復相催候蛩鳴夜急思鳥吟
風哀蓬扉涼以闐桂尊愁不開徒積崐丘想玄
鶴何時來

其六

薄游良易倦東方隱或同執戟豈云疲馮唐宦

未工坐閱華叢解徒悲芳歲空歎息浮雲暮奇
思何由通

其七

載郁熙風暢時叙景雲蒸文明乃開泰歲蕤茲
允升直廬稍星落建禮鬱霞興伐檀誠有作日
贊竟何徵

其八

振纓拂彤霞秉笏披丹霧芳旭延高掌清風流
文樹乘鴈不爲多歸雲空已屢愧此懷長岑慚
然起遐慕

其九

寒枝乍落牖涼風時入隙空原露氣清秋潭月
華白邊馬度漁陽悲哉倦遊客思歸歸夢作遙
遙故鄉夕

其十

緱嶺非無鶴商山空有芝懷人軫幽念倚瑟動
遙思披襟步列星開軒望履綦蘭庭露久溽惠
子來何遲

寺中寫懷

宴息投何處江天雲氣秋好花當戶映野樹入

簷浮竹色清池合鐘聲古殿幽滄波漾離思腸
斷寄歸流

予嗜琴山人張子妙得古法嘗學焉而
予輟響久矣舟夜臨流對月發琴而
彈之興慨命篇

伊予寡世姿由來慕丘壑長從嵇生玩假物思
所託匪盡至人理聊取逸民樂改服睽宿心久
負長往諾石房綴幽響泉藥迎秋落沿沂開昔
襟浮彈時間作滄波流潺湲明月照灼爍想見
乘風人長懷披雲鶴且以慰營魂拊心終縣邈

出處焉是非俛仰笑今昨

我生

我生如浮雲飄飄無定所晨彩艷玉墀夕映晦
河渚折瑤怨離居采蕭傷屆序孤墉聆禽悲長
霄瞻鴈舉憂歡信迴薄年髮嗟幾許粉檟伊可
懷早見山谷處

元城書院示諸生三首

余昔慕丘園守道甘時棄弱植踐芬華介石慚
貞義一朝世網嬰來爲河曲吏迨茲民務隙肅
徒究經事廣除氣暄妍衆芳粲以賁清風閒鳥

雀日華搖薜荔高閣敞雲霞游目適我志雖無
兼席長頗協下惟思相與觀四教宅德歸一致
忘筌勗所期反約良為懿

其二

穎川饒隆禮蜀郡富明經延熹炳對講建初蔚
惇明考績徵良史文政茂兩京惟僕佐邦君屏
牘進諸生將資坐嘯理聿忘小叩鳴歷覽古今
事徒切日暮情興德敏有寄俎豆粢宮楹敷說
究天人庶彼不忘誠柔泉欣閱坎織柯悅觀升
各懋緝熙志異嗣金玉聲

其三

支德貴修和尊足乃務全得理斯外形心成在
不言於心苟無瑕毀來安足患朝昕萃方領啓
籥慮能研探古振道綱幽尚從此宣橘柚紛爲
美華實惟所餐鳴鳥翔喬林潛魚樂深淵虛牖
鮮飈集崇堂芳景延將終谷口志騁望南飛翰
寄謝復我者聊永西河年

雜詩

玄駟適虛轍青旂肅盈執時暘曜林端餘寒散
巖趾乘化皆良游登瞰春原美翩翩翔霄鸞矯

翰憑雲起思慕遺榮客曠襟有如此疇昔旣斯
言風塵淹暮齒密親庶來同鞞鄂丘園裏

雜詩

華節倏云逝流芳尚可憐分明婉孌日不計別
離年聽燕語簷隙看絮舞楹前匪無合歡草幽
忿誰能蠲

夏日述詠四首

息機就巖藪迴駕偃蓬茨扶疎樹暖日擅藥竹
動颺魚心得楚隱琴道善鍾期孤悰戀沉景陶
然命一卮

其二

榆蜩足騰仞澤雉不斲樊由來丘壑士安知軒
冕尊顏生一瓢飲揚朱三畝園方欣外形友間
披問影言

其三

湖曠渚風集林高炎靄重蓬蒿沒徑車轍寡
來蹤隱几聆月泉開牖眄雲峰於茲參與賜疲
曳倦脩容

其四

輕風入孤幌流月泛虛絃開襟清露下搖塵翠

霞前身名久有矚江海始言旋何必安期叟得
性乃長年

歲晚述懷

余從幽山桂偃仰歲再期恬娛得繕性容與闊
世姿鄙吝徒爲爾好爵誰見縻玄情不凝物龍
變在一時結林抗長巒疏楹帶清漪寒深停岡
雲廣澤風氣悲索居對戟候醴酒聊自持勗哉
履貞素惆矣凋華滋

病中雜言六首

翛然秋色裏斜日下庭蘿蓬徑無人顧空林落

葉多山光當戶映鴈影掠窓過靜者今方適何
言久卧痾

其二

東軒微雨後向夕引霞暉綠竹陰常滿青梧葉
漸稀無端疎酒盞早已授寒衣予本滄江客將
因謝病歸

其三

自予牽世網展轉歲時侵坐惜衰蓬髮空思返
舊林虫鳴秋戶急月照客庭深已分愁中老愁
逢病不禁

其四

經時謝朝謁因病得閒居日暗牛羊下風吹薜
荔疎鄉心候秋水晚計卜田廬近訝交能絕嵇
康已著書

其五

秋風過嫋嫋白日逝悠悠坐惜金膏秘行憐石
髓幽徒聞慕方朔何自接浮丘夢入華胥國齊
心定可求

其六

彈琴坐一室鍊藥對層巒狹徑通雲氣高峯染

月寒久耽北窓卧思掛東都冠會自排筌易何
愁出世難

春暮羈懷

逐客多行役他鄉惜滯留春逢三月楔詩擬四
思愁見日身驚遠看花淚欲流門前衛河水朝
夕自悠悠

余爲郎七載自被譴命忽爾踰年五日
郡齋北望依依乃憶長孺禁闥之對
子壽積戀之篇獨何爲哉聊申短述
見古今之情有同焉耳

極目漳河畔雲霞千里平傷茲爲謫宦頻夜夢
華京犬馬淮陽病江湖魏闕情雖微子公力猶
自憶承明

其二

昔忝含香貴浮年屢已侵自期酬白壁誰道鑠
黃金命縷愁來續恩波譴去深荆南嘗積戀行
見鄙人心

書感

衰年自多感歲暮復驚心失計終如此窮愁底
似今溪前壓寒色浪裏流殘陰兀坐但羈影空

看沙際禽

和子循春日感懷

含香署近帝城陰建禮門前柳色深
皇斗直宵春並覽雲霞輦路曉同臨
逢時疏草甘泉議到處人傳水部吟
一去湘源頭半白來章直是攬予心

雨夜遣懷二首

獨坐悲時序燕臺木葉黃虛名負雲壑拙宦愧
岩廊疎檻蛩聲咽中宵雨意長清燈忽自晒白
髮任馮唐

其二

目斷滄洲鴈心慵帝里塵二毛承弁颯八月授
衣頗自乏凌霄翼終傷得雨辰官曹莫謂冷文
賦託閒身

秋日雜詩五首

幽居測時化節逝一何速輕葉委前墀遠郊氣
已肅臨窓啓玄玩披襟會深矚悠揚麗秋暉凝
光蕩巖澳草虫鳴空隅悲人詠浚谷駕言泛檜
楫乘流開情蓄

其二

涼風吹嘉樹萬物遺光澤巖氣乘運流華月歸
如客凝霜無停艷違寒有來翮嘆彼往化駛感
此淪歲迫修慮時多懷滯念誰與釋固窮見天
道委順自夷懌齊物遊恬漠高翔出形役

其三

居世若浮雲飄忽無定姿滅影幾何間垂彩在
一時存此豈不懷長感信自貽四節更代謝白
日正西馳寄身於飈塵咄嗟復何之願逐枋鳥
遊不隨豐草萎攬衣步列星極目散所思睨彼
遙漢間會合恒有期營營非物化琴歌爲我儀

其四

廓處乏歡悰出門眺長衢悲風吹落日四顧無
行車蹉跎失盛年感慨獨嗟吁况我在樊籠六
翮不得舒撫劍思西邁安能守故廬淮陰困閭
里馬生戀邊隅桑梓豈我志蓬蒿非我虞行行
捨此去去去浮雲俱

其五

凝宵多寒氛原野日無暉涼風西北起鴻鴈東
南飛予嗟闊徽音惆悵心自悲臨霜謹一河草榮
盛會有時離鳥念求匹形影獨長乖壺一心慙不

御沈憂誰能開緬想眺浮雲卒歲湮中懷

述愁

蘭省嘗牽迹湘流偶放居宦微名不立用拙志
應疎萊婦思求室班生賦返廬懷人蓋泉響重
有秣陵書

除服後九日與子循弟二首

三秋別官舍稍與身相親終恨雲林遠徒憐容
髮新江湖一秋水鳥雀自寒榛早晚趨朝去何
年隱是真

其二

與君返空谷流序往難攀纓屨惟餘淚歡娛豈
照顏疎花聊自適斜日不知還雲色何如我徘徊
戀舊山

迫歲將事行役書情

倦歸機未息旅思復相催
江遠驚颺度沙寒集
霰來兵戈滿關塞游宦目塵埃
忽此關城暮栖
栖誰爲哉

歲暮述懷遙應子循之作

逡巡三仕後潦倒十年餘
投跡真成隱論交未
自踈滄江日欲暮白髮歲仍除
猶勝舟居者歸

來有敝廬

答子循對雪感舊

旅食歸來心自閒
傳詩不覺有離顏
遙天雪後
吳溪望寂寂寒江無鳥還

皇甫少玄集卷七



皇甫少玄集卷八

詠懷

晴郊春眺言懷

少玄山人吳郡皇甫孝撰

輕舟下衛水歸來松菊叢自謂得蕭散庶幾賢
 達風一身晚都尉千里隨冥鴻雖謝案牘煩猶
 苦霜露蒙徒淹漳浦臥羞對包山空歛驚我日
 邁重嗟吾道窮出門眺平原海上朝霞紅春色
 度江來亂入吳娃宮風光復如此安能久樊籠
 疊樹黃鳥外一舟滄溪東桃花且留笑待取清
 尊同

雨中對酒同子循懷舊二首

何自爲郎久生涯恨轉蓬江山邈以異流落竟
誰同劍履春星外雲霞畫省東清尊各衰白回
首意無窮

二

楚北燕南郡風烟接旅愁霑巾初去國落羽更
分流薄宦身何滯他鄉歲屢適因思限江渚萬
里獨驚秋

夏日幽居述懷二首

終歲悅園墟長夏更餘清褰開暢茲襟聊用娛

高明極望絕雲霏適我無悶情四運一以遣乘
化騙虛盈萬塗諒有準鬱鬱竟何營曳杖登崇
岡行歌候友生携手欣良覲濁酒還復傾忽若
忘形骸誰能校身名

二

九岩多靈樹秦望有飛泉臺尚逝云久披籍纂
其言念當去人群返耕南山田即林事經始荷
篠開雲烟疇昔嬰華組芳歲屢徂遷悔吝徒以
積志髮坐相捐常恐衝飈激鳥路不及旋彼美
淑人情緬邈誰爲宣

春日懷舊

風物渾如昨令人恨自生春光忽已麗何苦病
還嬰鴈動瑤京憶花凝御苑情同懷不可覩芳
醕若爲傾

秋日過庄居

千家樓閣俯溪流一道銀河漾綵舟花洲源裏
通仙郭灑廊山面接平疇平疇靡迤趨荒陌虎
阜玲瓏望非隔松菊歸來陶令居雲霞宛對王
珉宅嗟予十載滯華臺無復求羊問草萊行披
薜荔尋雲入重塞芙蓉向水來回看荏苒浮年

度物華慘澹臨秋素棲禽半沒漚魚蹊落葉全
深采樵路君不見魚腸鑄水只殘流鶴舞市門
那辨處念此令人感廢興何況區區歎遊寓回
棹夷猶未肯前傷心寂寞寒烟樹

病感二首

窓裏頻驚駟杯中未寤蛇神如臨不測生每苦
無涯自易寬衣帶偏難挽鏡華微禽動微感愁
淚染愁花

二

彌曠心常弱沈綵髮屢凋蘭薰欲自如瑤軫竟

誰調行藥那逢侶看花莫吐謠寒氷勞飲夕風
露恐先朝

七山詩并序

客有淹頓世網思去人間者暇日讀王子年所
記諸山睠然慕之爰迷幽蹤以慰遐想共詩七
首貽同好覽焉

其一崑崙

崑崙乃九山相去各萬里玉樹五色光清風四
面起翔龜躍喬林潛醜蛻神止中州非我居流
想丹雲裏千歲方逍遙來觀赤陂水

其二蓬萊

瑤空結雲丘璇基開霧觀紅葭泛溟波青鸞集
浮幹吞舟惟所運緬邈無窮岸維南有竒鴛棲
息常霄漢啓圖寄靈矚臨風發幽讚

其三方丈

嘗聞三神山乃在渤海中極目龍鳶臺瑤林鬱
青葱照石一何神可以沃芳容側思西王母翻
然念相從迢遙金池楫無假愁雲空

其四瀛州

神魚戲環淵慶雲不崇朝丹鳥繽紛翔文殊被

山椒列樹蔭仙臺華蓋上
岵堯羲和警黑玉望
舒御青瑤何事魯陽德
迴日向層霄

其五員嶠

環丘抗絕岳靈異無不有
鱗鱗靄靄霜雪龜圖映
星斗粟必千雲穗人多雙
瞳叟乘海迭虧盈天地
相終久自從五龍來聊
可驗塵阜

其六岱輿

嫉世闕山經交道羨芳躅
靈岱怡我神尋企願
拔足玉梁亘中天金沙翳
穹谷七芝光日茂三
桂華雲馥終期躡紫苔
稅駕玄流隩

其七洞庭

玉女閼靈源金堂輝楚澤
窅然思其人脫履靡
所惜絲桐豈世樂雲霞爲
帝宅一舉凌九天流
覽周八極始悟黃石君
允非青雲客

春朝對兩懷省中舊遊

山城看雨色畫省憶蘭芳
春日京華遠江天離
思長踈花開獨樹新水亂
寒塘遊子今何去聞
鶯祇自傷

憶故園

惆悵猿啼清夜頻故園芳
月幾迴新無情最是

東籬菊漫自花開不待人

寒夜待伯氏飲偶憶茅山舊遊陳君與
言長逝十有八載矣白首相對泫然成

篇

伊予少年日客游鍾山陰乃聞三峯勝投策緬
華林從兄懷二仙方駕歷茲岑况偕禽向蹤登
岳事幽尋陳生又下世邈焉成古今清尊慨往
昔涕下誰能禁玉觀時髮髯丹崖自蕭森徒盈
白首歎豈復青雲心

丙午仲春偕周山人之海上感舊作

落日泝清淺遙憐不繫舟行隨海客往坐聽鳥
聲求物感昭蘇候心期汗漫遊寒烟餘井邑芳
樹藹津樓予苦風塵役俄今二十秋良辰徒屢
擲幽志果誰酬逝迹驚仍恨神山望更愁悠哉
不成寢微月下川流

幽居自憫

湖堤客舍有清樽雨霰連空只閉門舊事傷心
渾不醉韶華逝水豈堪論

閒適

春日與子循第野步

雲臯霽色蕩極野春烟平江南綠無限幽意從
此生暫予謝軒冕散步殊愜情悠然涉園趣興
詠期嗣聲

徙倚

徙倚軒幃暮孤村夜復迷江清寒月細山澗野
雲低三輔疲供億中朝厭鼓鼙委懷天地外歲
晚合休棲

園夜逢學仙者晤言

泝波挹清醕陶月襲蘭芳閑歌紫芝曲坐對白
雲長泉石交書幌苔花封藥房昔予滯京邑懷

土思茫茫聿來踐幽境狎鳥屢迴翔况值棲真
侶玄言羽化方道以無爲貴詮非有象妨拊膺
乏仙質束髮慕霞裝欣茲得遺老脫屣謝岩廊

和子約植菊

披薜靄霞空開徑碧泉通眷此餐英適逍遙疏
圃風雲封初布葉露浥近分叢欲知抱甕意唯
有漢陰同

和子約弟新霽閒適

中林散微雨開軒眺晚晴山原一綺麗虹日兩
輝明長槐交戶蔭新葉出水生開襟玩來藻延

佇有餘清豈伊西陵獻獨得啓予情

偶爾閒適

宵然息機事獨坐對林巒竹鳥更幽意風霞來
夕寒起看南湖月半出長松端不值求羊訪一
壺聊自歡

晚興

悵望林巒返照微渚烟汀樹淨冬輝籬邊黃菊
人方逸湖上青山興不違斜月暗催漁唱起片
雲遙伴鶴飛歸近來好事相過少落盡寒霞獨
掩扉

往視城南別業同子循弟作

赤嶠倦征輶滄江遂還策調笑掩竹書行吟事
泉石芊眠東溪樹迤邐南城陌榛蕪獨懷往堂
構仍慨昔不見禾黍秋但逢磨兔迹沼近伍胥
臺市遠梅生宅適觀經始期歲月殊復易焚枯
進深酌烟華靄將夕携手迺歸雲惆悵平津客

西郊隱居即事

碧山晴靄散寒城晚日江頭風物清行覓溪源
逢鳥下坐臨盤石看雲生忘言老愛書囊減多
病春催藥圃成痴僂丈人疑有道知予萬事已

無營

秋日郊行閱田林頗申考卜之懷

吾耽幽原趣經始清川瀆鱗羽自所托身名聊
此分携琴登嶺月持釣亂溪雲更欲凌西澗長
隨白鹿群

山居夜坐感秋

中山涼氣至偏動長年心伏枕清尊廢歸田白
髮侵河生雲界靜月照葦門深獨寤無由慰松
風永夜吟

林居晚興

歸來滄海畔非復戀人群獨樹晚成適踈花寒
共芬南山平入牖西澗靜流雲且對一杯酒誰
能迷世紛

田居晚興

曉來滌塲後寒嶺對閒門過客有機事山家多
話言清風動琴策斜日曖丘樊晚得會真趣逢
人耻作煩

卜築

卜築向何處閒吟在澗詩自來迷歲月直是偶
心期白鳥分磯石寒山共酒卮一行歸蓮勺那

復有塵羈

山居即事

竟日長林偃居然無俗情鳥驚翻集掌魚躍任
呼名自領巖流趣閒看草木榮遥遥白雲外時
復有樵聲

雪後

江城飛雪閉門間數處輕烟霽色還卧起墻東
時一望依然高閣對寒山

東齋枕上

閒卧東窓雲遂得成然趣枕上桃花源花開不

知數啼鳥自無心何事客驚寤翩翩峰畔霞疊
疊溪前樹俄頃夢還成去盡春山路

溪上田家

移艇向郊外愛茲溪水閒洄洑宛成趣談笑坐
忘還月秀蘿軒裏風清松岸間徘徊且復去滿
目空雲山

春日隱居四首

從宦寒無成竭來務田畝悟身一虛幻萬事夫
何有昭曠始自茲逍遥眄長阜遠墟絕行塵東
風搖谷口薜荔靄清川雲霞生敞牖隱几忘吾

言嗒焉喪其偶

其二

崇蘭茂北谷鮮藻榮南津摘蘭間雜佩采藻羞
嘉賓携手登晴隴舒嘯懷先民潁陽有清波畏
壘有清塵朝陽爛五雲光照岩壑新且當放歌
去聊用全吾真

其三

曳杖東岡陂空園時偃仰一室對虛白百慮歸
靜養在道其何從粵以無生獎往來應真侶兀
傲山泉賞息林希絕蹤扣谷成哀響高駕金門

人殆庶克終鞅

其四

溪流帶喬林日出照高嶼春風豫余神新花慰
延佇臨巖眺澄雲屢見歸鴻舉拂石携素琴就
竹開清醕朝與幽人期日夕曠何許釣艇時遡
洄蒼蒼月登渚

春日閒賦

驚暉慕屢生淪華懽易失獨往終可期徒然嘆
衰疾澤徑茲翳茂林園趣非一芳雲起崇朝諸
峰乘望出初泉乍交戶新花尤映室覽物寡嬰

慮幽居親道術邴生游或似尚子願未畢寄謝
山中人無使淹蕙日

園興

涉園偕我友未使孔尊虛落艷憐梅後含華悅
杏初忘懷狎戲鮪春醪眷樂胥詎貽楚老惜爲
芳願比樗他日於茲隱掩扉觀道書

省退偶成

往來鍾阜岸日覺沙鷗閒驅馬獨何事悽其游
子顏出城湖上寺傍舍雨中山遙見平臯色令
人幾欲還

閒林

閒林歸日暮超忽歲華流江海徒牽思芳菲不
解愁落霞懸近巘微月澹中洲悵望情何已清
尊強自酬

郊溪即事

西郊連草色溪岸靄初陽白雪晴江麗青天去
鳥長離群行自惜機事坐能忘惆悵春山路無
人杜若芳

皇甫少玄集卷

皇甫少玄集卷九

少玄山人吳郡皇甫洵撰

贈答

贈南塘子

吾愛南塘子逸韻凌清秋蕭然丹楓暮杳矣白
雲求爲憶當時驛因從安道舟相逢解裘處醉
酒歌山丘更聞結宇秀溪水茆堂幽虛幌晴花
映孤林深翠浮琴鶴羨高調雲松思遠遊他時
一相訪乘月泝滄流

砥柱歌贈白巖喬司馬

黃河西來聲怒號飛檣走舸千萬艘北風一夜
卷聊攝羽林雪騎平沙獵君王垂衣念南極蕭
瑟寒煙蔽松柏幾年江水思悠悠東皇忽轉淮
陽宅五軍三千辭帝京萬里關山此日行風塵
坐失鳳樓影河漢空瞻紫極明長蘆塞鴈隨仙
杖驛道梅花落使旌龍關俎豆入禁蘂鍾山氣
色開皇情嬌歌妙舞盡三輔吳花晉草愁空城
蒼虬長泣後湖月行庖野食填簫笙百官延頸
望牛首匹馬帶劍歸王程火雲颯沓散赤羽萬
國浩蕩秋風生城樓日落聞吹角夜夜軍中雙

淚零上元將軍日携手四海壯士神魂驚太原
司馬久憔悴青天照耀懸秋星蹇蹇幾汗南巡
轍中流屹立排滄溟憶昨豫章煙塵起殺氣紛
紛混江紀黃袍初迎白羽扇孫許孤忠一時死
馬當山北錦帆留宮殿西看雲影秋園花半墮
檀藥雨湖笛長吹翰墨舟懷寧孤城不日得浮
陰百里愁江洲江淮豈聞一士義戰守應慙七
國謀神靈顧念兩京業風雲慘澹驚驂驪時危
始知勁草節司馬獨立紆前籌身驅數萬龍驤
卒誓使天塹收歌謳長湖沙邊風夜哀洪濤赤

日徒徘徊中丞戰艦塞湖口
撻金伐鼓出其後
國師西走城郭牢萬舸不敢東南驕
磯頭坐費一戰力九江旌節爭
磬磬珊瑚寶玦無消息
江水江花空翠翹已見慶雲照中國
惟思駿馬歸天朝
當時蹙圯衣冠禍魚鱗雜襲俱英豪
儒生長揖對司馬扶顛持危心獨勞
我歌砥柱落日黑古原風來慘荆棘
天眷我明在公等太陽不遣遭薄蝕
時來仗義豈公意十五年前涕沾臆
彭公已去獨公在莫因坎壈凋顏色
安得我公常執政天下不復憂社稷

長安官舍對新月次韻荅宜俯

雨後延新月杯前共此身
微暉不照綺清漢欲生塵
自惜行將老相看只合貧
開秋思無限重感獨歸人

同林子飲包子寓歸遺林子

稍欲從吾侶風窓寒色悽
蕭疎閱篇翰披豁在招提
歲月騫騰晚雲山興緒迷
忽看白日落騎馬各歸棲

移居荅包子元達

浮雲下寂寞草草換新居
獨樹時相得清風竟

自如閑情秋日卧佳句故人書未即捐子珮將
無丘壑踈元達詩有亦存丘壑意之句

齋夜贈吳子

玄宵爭寒氛奕宿粲文墀緋雲鬱壇殿清風蕩
旂旗乘裡履末位聯榻值隆知伊予閱崇禮六
載迄于斯無庸諒牽謬夙夜忝所持方冬眷餘
景篤顧偶心期君子富嘉藻蔚若瓊霞披輝輝
長離翔彬彬爲世儀疇昔戾孤尚連陪愧華姿
久要在不忘濡翰敷此辭

贈韓侍御謫滁州

皦皦原中日照此城闕寒登山送歸客臨塗悵
盤桓借問子何之竒服涉江干遠斥千里道飄
飄冒風湍急觴遡征雲悲歌激長瀾我馬懷曾
岡佇立發哀歎忼慨無所道贈子以加餐

二日與子木

束帶游京華與子共爲客荏苒風塵內蹭蹬見
拘迫年意苟難并山川徒易隔淒淒感物情遲
遲慕群翮獨此青春獻歸夢滄江夕

贈金懋仁

龍瀾沅藻澤鸞柯蔚綺城風光愁處蕩春雲望

裏生朋來悅賞晤芳醕聊共傾覽物偕所遣含
思獨易盈盈思平生懷中飲還自失胡然久京
洛荏苒見衰疾故山山多美幽事諒非一及爾
歎芳辰值我倦遊日

贈王子詩六首王子者閩王道思也

予昔思古訓悅友存四方王子迪中和海內獨
無雙傾想積夢寐何幸婉清揚况復厠通籍從
君朝建章

其二

峩峩建禮闈粲粲列宿輝顧予矯弱羽天路同

奮飛出淹道始芽持慶學不微析疑疑以瑩
言言以徽

其三

惟君信英竒弱冠探群籍河東識亡書顯節徵
遺策玄覽相滌除晤言忘日夕匪我獨好仁古
來貴三益

其四

葉九臻會昌共覩休明世神聖放唐文損益參
周制秉牘贊升猷侈爾良多藝昔陪甘泉遊今
歎周南滯

其五

伊予魏郡日想子晉陵初狗跡同遷斤緣情異
毀譽感深悲難停年往志已虛拊心獨歎吒幽
蘊何由祛

其六

河洛子于蕃四牡耀衢路別遽會復踈感我泣
如注誰謂源水遙宛焉不得渡匪因成文章惟
以慨今故

答子循

慕邴無盈祿高踈右賜金愧非直道黜屢見不

堪心時改愁思積山深夏木陰胡能昧止足常
自惜頽侵共乘雲林好相期芝澗尋北窓明月
夜孤賞寄瑤琴

答周以言縱觀海上見懷

龍郊銜澤壤鸞渚帶扶津宗都表靈委滌納混
天垠吐圖光瑞策瀉漢福華宸瓊輿旦始駕金
波宵未淪彷彿瑤仙騁葱龍玉樹春飛神白雲
島結思紫霞濱康樂遊情美玄虛翰藻新乘桴
協有諾懷德謝無鄰方遺阜鄉鳥聊以報秦君

春日之海上答伯兄叔弟二首

出門看柳色相送下東津不逐春潮返長爲滄海人

其二

任公不可遇煙月轉悽迷今夜沙邊鳥聊將狎遁棲

月夜贈伯氏叔季氏山人以言

歡游美清夜高會良在茲金飈薄綺櫺鮮雲蕩
華池涼氣發喬林湛露零丹雘皎月升前隅中
庭粲其輝廣筵被宵彩麗藻繽紛來密親旣已
具蘭友相攀追繁音豈不奏所樂吹埴篴講藝

析古今楊摧申妙辭相與觀暮節薄游言旋歸
昔悲異林鳥今悅同條枝能不極歡情羽觴隨
波揮齊願等金石皓首長不睽

歲暮贈兄弟作

流序迫徂秋寒氣滋窮谷晨雨灑蘭林層飈下
原麓候蛩戢微吟長天鴈羽肅端居乏歡悰含
悽對桑竹還轅河魏墟再落胥江木雖慰懷土
心終傷逝者速我有懿親人式如彼金玉中宵
命清觴形影眷華燭臨堂發琴奏弦歌蕩煩促
願言黃髮期保此長駢服

贈王偉純

嗟予文質無所底徒然瓠落風塵裏漢宮枉妬
貌豈媞楚湘獨竄夢猶蕙竄影栖遑向湘水羈
心倍覺華年駛桃蹊狎鳥卜歸期華門羅雀還
自嗤矢言石交者棄我忽若遺金閨顯允彥嫵
婉惠光儀問君來何方遙遙銜命下鸞墀奕奕
檐帷顧幽藪英英肇厲照川湄伊昔彤庭爾尚
賓予也承恩侍紫宸臚墀鳳陛延多士華蓋鴻
私濫小臣比景含香悅有隣猗爾逢時奉帝綸
青翰徘徊繫江柳折芰燔枯共杯酒委翮飄蓬

何所云對子含情一回首回首重含情雲天促
去旌平生意氣復誰與一朝肝膽爲爾傾蘭臺
獻納追班史蓮勺歸來擬鄭生君章次都自此
別行矣相期勗令名

紫薇花行答子循 并序

叔氏虞部貽余梧亭懷舊詩未遑報章秋日散
步亭隅薇花爛目徘徊久之亭故予讀書處也
昔嘗眷戀此花爲之賦有曰清風時動明月微
娟悠悠我心誰與晤言悲春華之不實絢紫閣
而空傳履閒庭以載歎時徙倚而屢遷垂貞嘉

於餘藻永封殖於茲軒後予旅遊京臺累踐華
省淪飄河魏返跡弊廬顧瞻此花宛焉如昨而
予白髮被鬢妻其改容春華之句永矣悼心貞
嘉餘藻竟何徵耳因作紫薇花行以洩懷舊之
思并以報叔氏云

英菲窈窕綠窓前艷影扶踈翠屐連玉衡含照
妍華夕金風弄彩次寥天流風逝水驚離索十
載幽棲對花萼無情羈宦却歸來有客傷秋歎
榮落蘭宮桂殿鳳凰樓帝臺仙宮恣攀遊可堪
殘月鱸江夢不柰連雲騎省秋言追漁父賦歸

歎寂寞蓬蒿掩弊廬旖旎繁英重入賦婆娑生
意最愁予人情感物多惆悵白髮紅顏兩相向
東籬併就菊松姿北山豈孤猿鶴望青葱摘藻
記甘泉潘陸春華此棄捐未忘溫室瓊瑤樹虛
擬湘源杜若篇

答子木見懷

悵望星槎客寥寥夕思中胡然詠嘉樹徒自限
清風夜氣凌河靜山霏上月空蘭芳日云歇幽
意何由同

贈陸生二首生再客京師悲慨疇曩悵

然書之

伊昔攀鱗日君同北路塵那知蘭省客重對竹林人世上何非夢愁中詎有春年華不可語驚歎欲沾巾

其二

久矣宦不達憐君隱已成相逢洛陽陌尊酒叙平生愴此升沉迹深茲離別情從今耦耕去谷口共逃名

病中答子循

齋居無歲月獨坐聽松風問道方期損觀心屢

病空雲霞多暮色芝藥長新叢為語題詩客將無隱計同

用韻答王子道思

并序

四月維夏于役廣平王子眷言顧我徘徊棘棲悵然于懷既至小鎮復投此篇羈人云感聊爾嗣音

漳河我往役魏郡子經行如何存下位勞此訪孤城室邇人方遠心悲文自興瞻言想高義流落愧同聲悵矣雲天渺悠哉月露盈奮飛良未易倍使客愁生

訪中麓子不遇二首

君行使汶上言訪慰將辭瓊樹何由覩空林不
可期芙蓉臨水淨鴻鴈度雲遲立馬看秋色離
群日暮悲

其二

吾子文章伯雄才我不如經年滯簿領何日戒
輶車楓館繁飈急松齋落月虛飄零宇宙內同
愧薦賢書

晚春對雨奉酬伯兄懷山之作

山扉朝自啓幽色在煙林惆望滄波隔江城春

雨深雲天虛一室花竹澹盈襟竟日違芳躅清
風勞永吟

子約弟亭居琴興贈言

西山朝雨散雲氣淨蘭林何以寄幽興清風鳴
玉琴窓寒搖竹翠溪晚度花陰應誦嵇生賦扶
搖達爾心

子約自云遇師有得聊以遺之

學道無成功頽齡迫憂慄結友尋靈山終年倦
瑤帙相逢海上翁翔鸞下天術至言了不煩啓
籥見朝日石門綵霧桂華新金鼎丹霞蘿月春

早晚緱山乘鶴去看君揮手謝時人

答子約弟伏枕見寄之作

滄江獨卧者不與俗情同忘味中郎曲研玄河
上風窺臨草色徧離索桂華空天路知非遠時
時雲自通

伯兄病中叔季氏作詩訊之詞並清美

予亦卧病久而成篇

羨爾北窓今息機長松虛幌還相依良辰寂寞
在何許帝子瀟湘悵有違却笑微軀縈吏隱獨
憐叢桂自芳菲文園多病才應減况復瓊章和

者稀

贈范叟

君家住在靈巖村直取衆山爲四藩籬上野藤
侵石壁峰頭澗水到柴門日高但愛藜牀穩老
至不知軒冕尊數杯竹下携將客一味花前割
與孫生涯樵采兼耕鑿虛室琴書對芝藥心同
逝水壹致柔氣合澄雲只棲漠鈎箴縱下不取
魚井稅漸輸初到郭鴻濛笑識無懷天矍鑠行
歌有生樂少小知君三十年真隱逃名仍學仙
逢君帶索語未畢顧我長纓私自憐明月一生

照懷抱清溪幾處隔林泉朝來祇恐移家去就
而不見空雲煙

贈滁陽程逸人三首

秋空雲盡照溪清一棹蕭然物外情却粒幾年
還羽化也知君是楮先生

其二

策馬勤王泗上秋滁南千嶺夾城樓十年萍跡
殘宵夢惆悵逢君話舊遊

其三

安道携琴初入吳小山遙對白雲孤梁溪盡處

烟波闊好逐秋風下五湖

贈子約弟誕席

鳴鳥在穹谷戢耀有餘輝懷抱清廟器孰謂知
音稀予返大河役事來掩園扉夙夜共荼苦形
影常相依黽勉從外除心事何多違歲月易遷
斥復見秋鴻飛發舒意眷眷臨堂念微微感爾
年髮盛傷我顏志非曾是佇騰鸞寤寐如渴飢

贈湛公

湛公無一事日與白雲期幽獨心常寂巖林老
不知謁來觀法後愛得起予時早晚中峯去簪

纓無用爲

冬日遙贈竹堂僧

扁舟狎浪去人群七十峯巒渺渺分舉手溪頭
遙不見隔湖空自望寒雲

懷答姜玄仲

春嶼雲難盡亭亭谷口生崇朝江閣望一軫索
居情念別顏頻換論交迹未并滄波遙可即寄
取玉琴聲

答徐紹卿

徐子文章彥論交夙所稀金庭攀羽駕一徃歲

華非莫以浮踪異相看心事違雲門棲賞處回
首淚霑衣

贈清源主人三首

綠水前溪樹影蒼夜來銀漢下微涼主人笑擁
盧姬出共醉新城秋月光

其二

齊東少年騮馬肥春客金陵秋後歸醉向花前
翻舞袖紛紛香入坐人衣

其三

斜燭微微隱絳裙蛾眉曼臉逐行雲相逢瞥若

陽臺女腸斷烏啼夜正分

伯氏誕席贈言

我行沂江渚言旋輒三齡及爾歡愛俱曾未違
戶庭回憶平生遊惆悵人事改依依東岡陂蕭
然敝廬在馬生歲月晚明世豈見遺適來通侯
貴萬里揚旌麾摧藏桑樞時塵埃滿人面丈夫
苟未遇慷慨何由見柳條劇含烟散作谷口春
介壽登君堂絲竹娛衆賓先達亦奚爲青雲去
人近空歌白石寒終慙密山隱三月四月交薄
言客長安興酣忘視夜北斗從闌干

贈荅朱駕部

無受難可禦有道易不渝曰予本拙訥擬足昧
良圖充役肅時命省已畏空虚駛節亮流易軒
冕坐自拘哲彥貽嫵婉克與微尚俱逍遙玩來
篇益使衆慮祛英雲垂鮮藻清風灑庭隅游目
鄧尉林投分澄湖居夙心託峻址瞻途竟踟躕
今幸休明會方駕來皇衢聲同氣必應理協懽
有餘且願從所好處順希衛蘧

夏日飲陳約之編修寓同田希古儀制

唐應德編修施子羽秀才贈陳一首

索居迫長夏崇情結蘭林之子阻良覲遥遥睇
西岑晨興理幽駕乘日歡追尋伊人諒霞舉蔚
若開予襟來臻值衆彥眷茲借賞心陳席俯閑
曠列樹蔭森沉軒幌佇流飈雲日延清陰連翩
發嘉藻灼爚御鳴琴方年及比景塵壘頽思侵
疲足驟文駟愧慕能不深

皇甫少玄集卷九

皇甫少玄集卷十

少玄山人吳郡皇甫湊撰

贈荅

簡謝秋官應午時謝卧病

青蟬亂鳴槐葉滿遙睇疑情夏雲斷空拂瑤琴
誰與彈欲披緗帙心猶嬾荏苒朱明臨末垂署
齋幽獨倍相思前墀月華宛可掇小山桂樹何
由期

栗子復會京師晚過觴酌

昔悵青門別思君絳水瀆何期桃李月重挹蕙

蘭芬銀燭芳筵敞瑤琴雅調聞簾疎披宿霧城
晚駐春雲棠韡家聲茂江深藻思殷行誇奉大
對四海仰雄文

讀唐陳二子陪祀南郊并侍燕慶成詩
簡贈二首

詞客罷郊陪翩翩翰藻來文飛宸曜合興引翠
華開鳳掖聯仙管龍墀映御盃甘泉方奏賦共
仰子雲才

其二

帝德光千古皇風啓二賢肇分周祀典遽協漢

郊篇麟馬祥俱集笙琴美並宣幸叨觀禮未留
滯未須憐

謝子領西曹之命而南余叨膠漆之顧
悵恨不能爲別追惟夙昔聊述贈章

巖城易爲秋肅氣滋金方循除泛商聲明河照
徬徨膺念屬良友逝將旋舊疆晨車諒登邁會
握詎可長奕奕華池藻敷榮野田徬微暉盈霜
露歲暮多餘芳委運况物感徽音不能揚思我
平生懷與子各沾裳

其二

昔予來自南泛舟越江流携手望鍾山華雲結
崇丘趨途共肝膽豈必同衾裯脩容意何遠朝
光耀彤樓連翩忽異羽馳暉復西道申霜日夕
厲歸人不少留夙興念當別飲觴事綢繆銘懋
在祇慎惟日庶德休

司馬清溪公贈詩

始辱弛玄訓保榮光昔籍朗鑒不待形茲理諒
昭晰神龍戢景雲潛魚馭懿澤焚毀闢隆纂於
焉標懋哲未矚懷恒步豫和欽俟日逍遙娛當
年蘭卮汎瑤席滄源盪清波齊臺邈霞術卷舒

非固我在讓心如結惠養良不啻冲藻踰千鑑
頌德豈一朝一爲古今述淺劣敷斯辭永言耀
簪紱

贈宜山翁

言訪幽人跡彌欽耽壑情沈冥性所愜鍾鼎慮
難嬰洗耳將遺世尋崖擬鑿楹玄風正可嘒隱
德豈能名卧石閑雲度攀蘿好月明如聞吟谷
鳥及此應河聲

贈包子

相逢來上國相憶謝年華復此襟期慰翻爲世

路嗟晤言忘日夕流目亂雲霞霧散平臯樹春
明御苑花城光臨近牖河色度晴沙容髯傷心
切關山迴望賒欲識羈游意夢繞綠江楂

寄贈顧水部二首

長湖度旌節激棹泛漣漪浪隱陶丘樹天空鉅
野陂蠨蛸微夜響苞栩落寒枝正此羈心慰逢
君雲霧披

其二

濟北風花暮湖南雲謁連君從負薪役我悼扈
桑篇絕岸凝笳發中流別旆懸餘暉不可駐行

邁獨凄然

曲巖贈蔡範師古

茲巖表絕勝尋陟乃天路上干未云已倒影隨
顧步鐫題自何年遺映若旦暮星華倦騰射霞
綺終盤互中有幽棲人滅跡懷遠度已矣浮湘
吟曠然還山賦長逝違俗駕芳期果誰赴青溪
歌不盡石梁遊始誤永協在襟想杖策披雲霧

贈徹堂任上人

夙齡秉淵尚苦爲衆有牽倦茲事仕力而聞支
遁賢乘閒禮慧駕披雲見青天一塵自不染五

門洞俱宣令今有平叔行矣超上玄色與松柏
古來將飛鳥旋羣萎不忘解至理本希詮岩端
寒夜月別去正高懸

錢朱包三子過集賦贈二首

風色寒城晦天隅落日頻故人情不異樽酒語
相親直駭蛟龍會俱傷草木辰忍將流落意江
海共沾巾

其二

能賦三君手爭雄綵筆詩風雲難遽料今古一
長悲秉燭宵仍遣當歌興暫隨並看憔悴者敷

藻盡吾師

包元達祀陵歸不以詩示貽此索之

爾揖仙曹侶行行曉霧侵蒼梧望不遠白露感
何深奉禮唐臣事原陵漢主心元知枚叔賦倚
馬待知音

七浦塘歌二首贈張隱居

水盡三江棹花綠七浦堤自堪江路永不比武
陵迷長揖滄洲興高人谷口依思君未即見春
草日萋萋

其二

勝甸新州沃春臯故里暉繫舟川影直倚杖海
天微平子賦今就龐公隱不違雙扉有時啓駟
馬或來歸

蘇吳縣赴召會於京邸感贈二首

憶念故園春餘花愴別津豈知今會客重感昔
年身雨洗胡沙淨雲生帝闕新激昂多士意青
瑣得詞臣

其二

自別吳門永思劉未得還行趨太宰召喜溢故
人顏日月無私照雲霄直易攀題書邑父老公

已接仙班

贈栗子寬甫

我逢栗子聊杯酒非比金龜罄所歡已見相如
辭故里曾聞太白在長安明朝遽有燕臺別此
地同悲易水寒欲傍傷心御堤柳天隅少爲繫
歸鞍

次韻和荅栗子

帝城鍾柝動秋霄剝館香燈上客招風露乍凌
燕塞晚星河微盪漢宮遙詩名海內應誰共愁
况天涯爲爾消題柱摠歸金馬客豈容谷口任

漁樵

讀包子黃雲篇簡贈

白日欲下黃雲繁黯黯朔漠連中原
鴟鳴無人聽敵悅鵠羽顧匹愁翩翩
長天起立視清夜短褐壯歌懷故園
春江帆影不獨汝此興會向誰人論

海島翁辭

岩堯隱君巖霞月闕靈島爲問浮海翁
何如采芝老鶴馭今焉翔白雲空浩浩
祇見雲山不見君芙蓉秀氣自氤氳
欲因訪古吟招隱秋夜啼

猿那忍聞

汝玉雪中惠篇投謝八韻

朔雪遙空度晨光溢鳳臺紛看瓊樹合舞伴
玉珂回孤坐情方閒離居恨莫裁佳人惠篇翰
幽賞念徘徊旅望迷高鴈鄉心亂早梅劇愁雲
海斷羈宦歲時催刻水愆芳興梁園擬上才未
忘携手意吟嗣北風哀

寄荅陸宜俯

故人陸子山中居別我二年無尺書
昨來有客傳書至開緘宛然見君意
不忘沉寘蘿月人自

傷趨走風塵吏腰垂錦綬眉不伸歲月蹉跎懷
苦辛杜頭無名比田鳳鏡中有髮同安仁向來
文采那復數平生意氣何用陳我心煩紆直炎
暑氛埃蔽空熱如煑省堂謁罷歸閉門惆悵思
君重延佇感君問訊聊爾言時復看雲憶故園
釣竿可了一生事世上是非誰足論

立秋日署中述懷簡田子八韻

一葉下庭陰燕臺秋正臨迎風涼氣早承露暮
雲深宿霽搖丹闕餘霞絢碧岑荷嬌還吐豔蛸
晚更揚音署迥銀河逼城高玉漏沉感時悲素

髮閱禮謬華簪坐憶江鱸膾愁爲越鳥吟寄言
同省客何以慰予心

宜俯詠衣褐卒歲之句感贈

握手滄溟岸傷心今二毛一尊浮水榭殘日戀
平臯島樹寒凝閣江星亂入濤聞君歎衣褐令
我愧綈袍

荅王子戶曹直宵有懷之作

省闈逢寓直靜夜賦成時鳩觀星臨迥龍樓月
度遲感秋情正切瞻闕意逾滋爲頌卿雲爛飄
飄啓睿思

郡公過訪因贈

王子爲邦政已成却思徐孺訪柴荆海邊玉樹
舉帷映谷口瓊霞拂坐生載酒時從三徑適看
花春動曲江情使君不用朱旛引自與雙隨白
鹿行

贈陸生

與子青門別頻驚節序侵那知艷陽月重見歲
寒心雲度花溪靜春葳竹徑深石梁還近遠回
首洞湖陰

贈吳吏部

名家東閣茂詞源公子翩翩逸氣存當闕曾題
西極馬垂天先化北溟鯤偏耽綵服供親樂未
請長纓戀主恩近許龍門舊遊客時時同醉玉
壺園

清溪館席上賦贈馬中丞四首

寵接中丞宴權從外館遊竹深全引月葭冷半
凝秋飲帳舉朱靄歌觴泛碧流誰知栢臺側別
有桂山幽

其二

湖曲青山遠城隅綠水長溪烟明積蓼堤日暗

垂陽竹下停歌侶花前媚舞行將因淮海宴相
與頌時康

其三

星槎來海甸水榭對花叢篠密搖衣翠荷深隱
燭紅晚霞蒸浦淑秋月淨簾櫳自愧延陵季徒
聞大國風

其四

桂樹藏丹穴滄波敞翠筵嬌花明綵露狎鳥下
晴烟徑轉麾容合堤長騎吹連欲歸憐妙舞垂
手月華前

子木見過伏枕弗對述簡二首

堦草含薄滋庭花罷餘倩林淨夕迎霜天長朝
送鴈思君一水隔歧予三秋眷馳暉杳莫攀歸
雲時可見

其二

華洲飛素浪高掌度文虹徘徊瞻禁闥迢遞限
清風痾懷撫衰柳幽景落踈桐一乖紫芳願再
使綠尊空

訊惟楨疾

微月鑒虛幌踈星耿遙夕伊人曠不并蒼蕘雲

皇朝詩集卷十
十一
路隔鴈門風稍寒龍池露先白悲來成疾疹曷
云慰羈客琪岸饒瓊華瑤岑滋水碧迫茲歲未
晏期子同采摘

與吳長洲

江城花色倍河陽流水侵庭烏下堂曾識尚方
新賜履莫論遷客舊含香閒揮綠綺青春麗靜
煮丹砂白日長愛就雄居還載酒時乘明月度
滄浪

荅子約弟歲晏問訊

歎我蹉跎日傳君蟋蟀吟相看俱不樂歲暮強

爲心此際南樓興如聞瑤瑟音春前無柳色何
事變鳴禽

淮上逢朱水部南川舊僚同張地官明
厓吳山人河岳集駐鶴亭醉後感述
贈水部一首并簡貽張吳二君

不見故人三載餘况復經年無尺書感君膠漆
心尚爾問我顏鬢今何如憶昨同官在河野背
負青天見毛羽投跡誰招放逐魂壯心不道風
塵苦繫纜祠陰一遇君清尊江上念離群幽林
歛訝炎埃散落日偏憐笑語聞瑤天鶴去亭空

在翠竹潭深徑不分衣裳欲逼梁苑雪戶牖却
吐瀟湘雲張吳邂逅欣還愕吏隱雖殊氣相若
神仙迴映水壺姿山人屢諷煙霞作當筵自信
同襟期平生未是輕然諾信宿休歌行路難勝
遊更盡新知樂酒酣欲別仍徘徊眼前感激令
心哀君家英妙富文藻蜀雲洛賈俱雄才即今
二子尚如此顧我豈免終摧頽醉呼山人慎勿
猜與爾長歌歸去來微官戀戀何爲哉

扶疎亭奉贈白川周公

振擻邁濟陽湍險難具論非公扶疎宴何以弭

營魂密陰澄修景炎氛盪曾軒案牘映花色階
庭聞鳥喧竹露傾惠心石泉挹清言拂塵析地
維展圖鏡河源堯情軫四岳漢主懷淇園聿來
揚駢牡明寄崇宣蕃升猷道不陂敷誣澤彌敦
深宮華雲漢效珍輝榮溫綿戶愆負薪伐檀意
空存惜無贊鴻烈徒愧登龍門

早春簡施蔡二曹友擬歷諸勝共暢羈

懷傾遲報章無勤延佇

閒郊春色敞晴扉紫禁城陰鬱翠微疎柳入江
吟望騁新雲覆野客情依天邊數送歸鴻翼湖

上平看落日暉莫爲浮名恨留滯且將心賞寄
芳菲

和子木夜坐

眼底春暉急清尊日復開含情向朋好浪跡且
江隈官序祗堪笑歸心暗自催湖堤花絮亂賦
就北門哀

贈友

隱處桐鄉溪水濱鹿門蘿月夢中春興來呼酒
何知客老去忘機不避人

與周子

坐對芳樽不辭滿醕酌聊憑慰孤抱笑向故人
各盡歡激昂且自矜文藻生事久已甘沉冥非
世胡然學枯槁况復時對青山雲心無所知一
何好

初至畱都與蔡子木三首

伊予壯遊日策馬金陵天從宦復來此嗟行今
暮年官曹寄湖水世事與雲煙終亦掛冠去長
歌懷昔賢

其二

高皇啓天業京鎬實維茲借問來朝客何如定

鼎時鍾山抱宮闕江水繞城池今日看風景那
因灑淚悲

其三

中郎擅文藻昨自金門還邴曼輒辭秩蕭生方
抱關同聲感疇昔喬木罷追攀惟爾素心在離
群仍慰顏

燕子磯用雲字酬蔡比部

仄徑烟蘿盡連林江島分一尊臨浩瀼高興坐
氤氳落日征亭祖滄波別唱聞寧知謝公意仍
在故山雲

酬子循宿祖堂寄懷

聞君懷獨往清夜宿松岑天闕星河近雲門花
露深山鍾遙客夢池草結遐心空念澄江月悽
然懸舊林

浙中寄贈後湖二首

避迹向茲地經春湖上過浮雲言別去芳草奈
愁何鷓影迷銀漢鷗情戀玉珂誰將兩行淚一
爲寄滄波

其二

豈羨流蓬海終知抱瑣闈遡從殊未已含景送

將歸極望連空樹繁愁向夕霏金波元不隔千里揖清輝

登北山奉贈宗伯黃公

東山憂誠繫華陽道似卷豈若追松子飄飄棲崇巘九霞輝竒構五芝馥幽壑飛泉憑崖來蘊襟暎流展方欣披雲遊更慰懷賢緬息景希末光含情寓茲撰

孔學憲讀經昭慶寺予過贈此

何辭延閣事于藩謝却林僊了法源湖上遊蹤迷赤水郭前心賞戀緇園一燈自愛蓮花吐千

部憑將貝葉翻信是支公酬道難能令許椽解忘言

酬子循過齋中作詩

沈湘多賈賦偶世寡嵇情猶慚柳下黜兩見返柴荆迨茲秋場暇偃迹卧山楹如何羽儀客戢景亦來并方耽謝填委况悅廢將迎林巒忽騁望寂寞見平生欵言滄洲暮眷以白雲盈屬思酬嘉藻抒懷報幽貞

贈閒上人

東林禪誦地寰中闕靈壤蘿徑罕人蹤泉竹諧

幽賞朗公法門秀超迹絕煩想皓月窺淨心明
霞鑒空象虛薄匪世姿胡然久塵鞅領茲析冥
論永言欣獨往

皇甫少玄集卷十

